

Sak 2 Årsmelding 2022

Til årsmøtet i 2022 var det føreslått å legga ned Hordaland Ungdomslag. Årsmøtet valde å ikkje vedta dette, men valde i staden eit styre som har hatt som hovudoppgåve å sjå på framtida til HU. Arbeidet i 2022 har dermed bestått av å kartlegga arbeidsoppgåvene til fylkeslaget, vera i dialog med NU sentralt og innhenta innspel frå lokallaga. I tillegg har styret vore i kontakt med andre fylkeslag både i NU og i andre nærliggande organisasjonar.

I haust arrangerte styret fem møte - fire i ulike delar av Hordaland og eitt digitalt - for å samla lokallag. Styret har òg hatt telefonkontakt med mange av lokallaga i forkant av desse møta. Tilbakemeldingane frå både møta og telefonsamtalane gjev eit tydeleg signal om at lokallaga ønsker å høyra til eit fylkeslag og at dei ser stort potensial i HU.

I samarbeid med NU sentralt og Sogn og Fjordane ungdomslag, har styret vore i kontakt med Vestland fylkeskommune for å prøva å få støtte til å tilsetja nokon som kan jobba for begge fylkeslaga. I november søkte HU og SOFUL midlar frå fylkeskommunen si stønadsordning *Styrking av frivillig sektor i Vestland*, ei ekstraordinær ordning i Frivillighetsåret 2022.

Styret har hatt 9 møte i 2022.

Bunadsgruppa

I januar 2022 fullførte fem deltakarar kurs i dobbel uttrekkssaum. Kurset starta i november 2021, og Oli Lilletvedt var kurslærar.

Hausten 2022 arrangerte me tur til Nordfjord og Sunnfjord 26.-28. august. 9 deltakarar var med heile vegen, og nokre fleire var med oss på delar av oppleget i Sunnfjord. Me besøkte Audhild Viken, bunadverkstaden i Førde, før me køyrdet til Sandane. Torill Torgnes kom dit, viste fram hovedplagg ho har frå Nordfjord og fortalte om kjelder og bruk. Me besøkte Nordfjord folkemuseum før me brukte resten av laurdagen heime hos Torill og Johannes på Vereide. Me brukte mange timer på å opne skrin og kister med store mengder folkedraktmateriale teke vare på i privat eige. Me var òg på Astruptunet i Jølster og fekk gaida omvising med særleg fokus på Engel Astrup sitt arbeid med trykking på tekstilar, mellom anna forklede. Jølstramuseet på Vassenden hadde òg mykje å syne fram, og på heimvegen besøkte me systova til Ann Lundekvam.

20. november møttest 12 personar på Biblioteket på Bjørkheim i Samnanger. Me fekk presentert arbeidet med boka *Filerte forkleborder, tradisjon og mangfold* som Voss husflidslag har gitt ut. Karen Holstad og Linda Rongved Brunsvik fortalte. Me såg biletet frå turen til Nordfjord og Sunnfjord i tillegg til å utveksla idear og planlegga tur til Sogn i 2023.

Kontakten held me gjennom Facebookgruppa *Bunadsgruppe HU* som har 20 medlemmar frå Samnanger, Os, Fana, Bergen, Osterøy og Alver. Kurs og fagseminar vert arrangert med støtte frå Studieforbundet kultur og tradisjon.

Representasjon

Dato	Kva	Kven
30.mars	Digitalt møte med Noregs ungdomslag	Marit Kvamen, Gunn Inger Sture, Borghild Opdahl
22.-24. april	Landsmøte i Noregs Ungdomslag	Borghild Opdahl, Johanna Mjeldheim, Renathe Nilsen og Gunn Inger Sture
26. april	Årsmøtet i Det vestnorske teateret	Borghild Opdahl
12. mai	Årsmøte i Studieforbundet kultur og tradisjon Vestland	Borghild Opdahl og Oddrun E. Larsen
24.september	Jubileum Innstranda ungdomslag - 150 år	Borghild Opdahl
12. oktober	Høyring om kulturplan for Vestland fylkeskommune	Marit Kvamen
18.oktober	Vestland fylkeskommune: "Digitlat seminar for frivilligheita "	Borghild Opdahl
22.-23. oktober	Landsrådsmøte i Noregs Ungdomslag	Marit Kvamen
8.november	Møte med NU og SOFUL i forkant av møte med Vestland fylkeskommune	Borghild Opdahl
9.november	Møte med Vestland fylkeskommune saman med NU og SOFUL	Borghild Opdahl
16.november	Kulturkonferanse Vestland fylkeskommune	Borghild Opdahl

Tillitsvalde

Styret har i 2022 bestått av Borghild Marie Opdahl (leiar), Marit Kvamen (styremedlem) og Gunn Inger Sture (styremedlem)

Lokallag og medlemmar

2021: Per 16. februar 2022 hadde Hordaland Ungdomslag 1364 medlemmar - 454 medlemmar under 26 år og 910 medlemmar over 26 år. HU hadde i 2021 29 aktive lokallag og 12 inaktive lokallag.

2022: Per 13.februar 2023 hadde Hordaland Ungdomslag 1945 medlemmar - 762 medlemmar under 26 år og 1183 medlemmar over 26 år. I 2022 hadde Hordaland Ungdomslag 40 aktive lokallag og 11 inaktive lokallag.

Heiderslagsmedlemmar

Hordaland Ungdomslag har ingen heiderslagsmedlemmar.

Lutar og medlemskap

Hordaland UL eig lutar i desse samskipnadene:

- Det Norske teatret
- Norsk Bokreiingslag
- Det Vestnorske Teateret
- Dag og Tid
- Lokalavisa Grannar

Og er dessutan med i desse organisasjonane:

- Norske 4H
- Folkeakademiet Hordaland
- Studieforbundet kultur og tradisjon Vestland
- Voksenopplæringsforbundet Vestland
- Rådet til hardingfela.no
- Hardanger folkemusikksamling